

Gonçalo Neves

Sajeso dil populo

**Cent proverbi e dicaji
en Ido**



Editerio Sudo



Gonçalo Neves

SAJESO DIL POPULO

**Cent proverbi e dicaji
en Ido**

Editerio Sudo

Lisboa, aprilo 2002



©

Todos os direitos reservados
Omnia yuri rezevita

Editorio Sudo

editorio.sudo@gmail.com

1. Abismo vokas abismo: *malajo venas pos altra malajo.*
2. Aboyo di hundo mordo ne facas: *qua multe bruissas, ta tote ne nocas.*
3. Adportas vento lenii al favorati da Deo: *Deo helpas la homi meritoza.*
4. Advokato dil diablo¹: *ta qua kontestas omno o pleas desagreabla rolo dum diskuti.*
5. Aglo mushi ne kaptas: *importante ne sucias minucii.*
6. Altra kapo, altra mapo: *omnu havas sua opiniono o vidpunto.*
7. An la sandalo restez la shuisto!²: *on devas judikar nulo exter la limiti di sua kompetenteso.*

¹ En la Romana kurio l'advokato dil diablo asumis la tasko objecionar propozo pri kanonizo.

² La Greka piktisto Apelles (4ma j.c. a.K.) expozis an sua pordo un de sua verki e celis su dop la telo por askoltar la opinioni e kritiki da preterpasanti.

8. Anke tu, Brutus!³: *kustumala klamo por reprimandar konocato da qua on jus deceptesis.*
9. Askoltar per omna oreli: *askoltar tre atencoze.*
10. Asnon gratas asno: *afektacemi kambias exajerata laudi.*
11. Chanjas la homo, chanjas la komo: *omnu havas sua opiniono o vidpunto.*
12. Che botisto, omna shuo kun truo: *dicesas kande habilo, experto, specalisto, mestieristo edc ne juas l'avantaji di sua arto, di sua specala konoci o di sua kapablesi.*

Venis shuisto e remarkis defekto en la sandalo dil precipua figuro. Apelles emendis la eroro. Ye la *nexta dio la mestieristo rivenis, e remarkinte la emendo divenis kontenta ed audacis kritikar altra kozo en la gambo dil sama figuro. Lore Apelles aparis a lu dicante: “An la sandalo restez la shuisto!”

³ Segun legendala klamo da Caesar, kande il rikonocis sua favorato Brutus inter la konspiranti qui poniardagis lu.

13. Che forjisto la spiso esas ligna: *vd.* Che botisto, omna shuo kun truo.
14. De la ovo til la pomo⁴: *de la komenco til la fino.*
15. De la ovo: *de la komenco.*
16. Del katedro⁵: *afektaceme, pretendeme, kun profesoralo tono exajerata.*
17. De musho facar elefanto: *exajerar.*
18. Dependas judiko del propra butikio: *omnu havas sua opiniono o vidpunto.*
19. Diferas la boko, diferas la voko: *omnu havas sua opiniono o vidpunto.*
20. Divers universo, diversa konverso: *omnu havas sua opiniono o vidpunto.*
21. Docar la patro nia al vikario: *dicesas kande ulu afektacas sajeso avan altru qua vere konocas la temo.*

⁴ La Romani komencis sua repasti per ovo e finis li per pomo.

⁵ Segun la kredo katolika, la papo es neeroriva kande il parolas del katedro, t.e. del stulo di Santa Petrus.

22. Donar a Deo la havaji di Deo ed a Caesar la havaji di Caesar: *donar a singlu lua havaji.*
23. Dum respiro, riespero: *on devas tenar la espero dum vivar, en omna *situacioni.*
24. Ek la maxim pura aquo: *dil maxim bona speco.*
25. Ek la sama farino: *samspeca.*
26. Elevar (ulo) til la sepesma cielo: *laudegar (ulo).*
27. En la Greka kalendi⁶: *nultempe.*
28. En la mezo stacas vertuo: *on devas evitar la fanatikeso dil extremi.*
29. En la vino lo vera: *vino helpas laxigar la mento e dicar veraji ordinare tacata.*
30. Erektar monumento plu duriva kam bronzo⁷: *facar verko quan memoros la futura generacioni.*

⁶ La kalendi ne existis en la Greka kalendario.

⁷ Segun verso da Horatius: *exegi monumentum ære perennius* (Odes, Liber III, 30, 1).

31. Esar en ivora turmo: *esar en loko tre shirmata, for omna sucii e problemi.*
32. Esar la portreto di ulu: *esar tre simila ad ulu.*
33. Es lansita la kubo!⁸: *omno facebla es ja facita; nun on vartez la rezultajo.*
34. Espadagar pike e tranche: *espadagar friskante ad omna latero.*
35. Espadagar pinte e tranche: vd. Espadagar pike e tranche
36. Facar tabelo vakua: *eliminar od obliviar omna nocioni o rezultaji antea.*
37. Falar de sitelo a barelo: *irar de malajo a malajo plu granda.*
38. Falar en la brakii di Morpheus: *dormeskar.*
39. Finas ye fisho muliero supre tre bela⁹: *la verko komencas tre bele ma finas tre lede.*

⁸ Latine: *alĕa iacta est!* Aludo pri hazardala ludi dum qui on lansas kubi ante facar ula movo o rezolvo.

40. Fishi natas kun efiko mem sen vua
 expliko: *dicesas kande ulu afektacas sajeso*
 avan altru qua vere konocas la temo.
41. Fishi savas pri nato mem sen vua
 traktato: vd. Fishi natas kun efiko mem sen
 vua expliko.
42. Flexebla quale ramo di oziero: *tre*
 flexebla.
43. Frapar pike e tranche: vd. Espadagar pike
 e tranche.
44. Ganso-marche: *l'uni dop l'altri en unopa*
 lineo.
45. Gardar per la okuli: *esforcar ne perdar la*
 vido di ulu od ulo.
46. Harda quale monto granita: *tre harda.*
47. Havar (ulu) sub la pantoflo: *koaktar ulu*
 obediar.
48. Homo, volfo di homo: *la homi pro*
 avideso atakas l'uni l'altri.

⁹ Tale versifis Horatius pri absurda pikturo: *desñit*
in piscem mulier formosa superne (*Ars poetica*,
v. 1-5).

49. Ho tempo, ho mori!¹⁰: *klamo kontre la degenero dil mori en la nuna generacioni.*
50. Inter martelo ed amboso: *inter du situacioni egale desfacila.*
51. Joyo-trublero: *persono qua per sua problemi o tristeso sempre trublas la joyo od amuzeso di altri.*
52. Kameleono: *persono qua ofte chanjas sua opiniononi.*
53. Kun la helpo da Deo, mankas nultempe dineo: *Deo helpas en omna situacioni.*
54. La lasta ma ne balasta: *la lasta ma ne la minim importanta.*
55. La naturo ne facas salti: *omno en la naturo evolucionas gradope.*
56. La suno brilas por omni: *omni darfas juar la sama chanci.*
57. Leonala parto: *maxim granda parto.*
58. Ludar ye celo-trovo: *ludar tale ke unu celas su ed altri esforcas trovar lu.*

¹⁰ Segun diskurso da Cicero: *o tempōra! o mores!* (In *Catilinam* I, 2).

59. Melkar kaprulo: *volar ulo neposibla*.
60. Mem guto tre mikra, konstante frapante, traboras la monto granita: *persistante on atingas omno*.
61. Mem Hómeros dormetas tempope: *mem la talentozi eroras*.
62. Memorez, homo, ke tu es polvo ed itere divenos polvo¹¹ : *memorigo pri la mortiveso dil materiala korpo dil homo*.
63. Me ne mortos tota¹² : *pos la morto restos la verki dal mortinto*.
64. Mento sana en korpo sana¹³: *maxim generala precepto dil homala higieno*.
65. Me timas la Greki, mem la donacanti!¹⁴: *kelka homi es tote ne fidinda, mem se li es afabla e regalema*.

¹¹ Del Biblo (Gen. 3:13): En la Vulgato: *memento, homo, quia es pulvis et in pulvĕrem revertĕris*.

¹² Segun verso da Horatius: *non omnis morĭar (Epistolæ, III, 30, 6)*.

¹³ Segun verso da Iuvenalis (Satyra X, 356): *mens sana in corpore sano*.

66. Me venis, vidis, vinkis¹⁵: *historiala citaĵo por kvalifikiĝi entraprezo tre rapida e sucesoza.*

67. Nul dio sen lineo¹⁶: *omnadie oni devas labori e fari utilaĵojn.*

68. Nulo nova sub la suno¹⁷: *nulo eventis de pos ke oni lastafoje parolis pri la kozo o vidis ol.*

69. Obstinema quale kapro: *tre obstinema.*

¹⁴ Segun Vergilius (*Æneis*, II, 49), tale klamis la Troyano Laokóon (*timĉo Danaos et dona ferentes*) kande il vidis la ligna kavalo quan la Greki donace duktabis til Troía. Justifikebla timo, nam la kavalo ne esis masiva: en lua kavajo turbe blotisis soldati Greka, pronta ekiri e konquestar la urbo, quo fakte eventis...

¹⁵ Segun Plútarkhos (*Caes.* 50) e Suetonius (*Iul.* 37.) per ca vorti (*veni, vidi, vici*) Caesar letre anuncis ad amiko sua vinko super Pharnákes, en Zela, urbo di reĵio Póntos.

¹⁶ Segun Plinius la olda (*Historia Naturalis*, XXXV, 84), la Greka piktisto Apelles havis ta moto (*nulla dies sine linĉa*).

¹⁷ Del Biblio (*Ecclesiastes*, 1:9). En la Vulgato: *nihil sub sole novum*.

70. Okuli blu-cernita: *okuli cirkondita da blua cirkli pro ne dormir o riceviri bato.*
71. Omno facila por mento habila: *homi habila facile solvas omnia problemata.*
72. Omno-sufranto: *persono qua multas entreprenas omnia labora, mem le maxime tedio o harda.*
73. Omno-tushero: *persono qua intruzas su en omnia aferi, mem en olti exteri lua resortiso.*
74. On ne povas manĝi sia kuko kaj konservi ol: *on ne povas volar samtempe ulo kaj olua kontrolo.*
75. Pano kaj cirkoludo!¹⁸: *nutrivo kaj amuzo, jen omno dezirata da homoj sen kultura zorgo.*
76. Parturis musoj la monto: *granda entreprenoj abutis al mikra rezultato.*
77. Peko-kaparo: *la viktimo kiam omni akuzas pro eraro kaj kulpo farita ne de li mem, sed da aliaj.*

¹⁸ Segun Iuvenalis (*Satira X*, 81), nur ti (panem et circenses) volis la Romano popolo en lia epoko.

78. Pekunio ne odoras¹⁹: *la origino di pekunio tote ne importas.*
79. Pisar exter la potu: *adulterar.*
80. Pláton es amika, ma plu amik es lo vera: *on devas egardar vereso prefere kam amikeso.*
81. Plu bona tarde kam nultempe: *es plu bon agar ulo pos la fristo kam tote ne agar ol.*
82. Po lua pezo ek oro: *tre chere.*
83. Por inteligento, poka komento: *inteligenta homo ne bezonas multa expliki.*
84. Pri kolori e gusti ne disputez: *es tote vana disputar pri personala preferi.*
85. Prizentar perli a porki: *donacar ulo quan la donacario ne prizas o ne savas uzar.*
86. Pro amo al kandelo kato lekas la kandeliero: *kande la skopo semblas*

¹⁹ Latine: *pecuniā non olet*. Segun Suetonius (Vesp. 23), imperiestro Vespasianus reprimandesis da lua filiulo Titus pro impostir la publika urineyi. la publika urineyi. Lore la patro flarigis dal filio moneto-peco aquirita per la taxo, por montrar ke pekunio ne havas odoro.

*neatingebla, on elektas skopo plu mikra,
plu facila o min importanta.*

87. Proteo: vd. Kameleono.

88. Quala bardo, tal egardo: *omnu havas sua
opiniono o vidpunto.*

89. Quala patro, tala filio: *la filii tendencas
imitar la genitori.*

90. Quanta nazioni, tant opiniononi: *omnu
havas sua opiniono o vidpunto.*

91. Quante plu multi, tante plu stulti: *homi
tendencas perdar sua prudenteso kande li
trovesas en turbo.*

92. Querar lano de asno: *volar ulo neposibla.*

93. Richo havas korni, povro havas dorni:
*richi havas multo, kontre ke povri havas
poko.*

94. Se decas komparar mikri a grandi²⁰:
egardante omna proporcioni.

²⁰ Segun verso da Vergilius (*Georgica*, IV, 176),
qua komparis celuli da abeli a konstrukturi da
ciklopi: *si parva licet componere magnis.*

95. Sentar su quale fisho en aquo: *sentar su tre komfortoza, tre libera, sen embaraso.*
96. Singla persono kun sua rezono: *omnu havas sua opiniono o vidpunto.*
97. Stone surda: *tre surda.*
98. Sub Iuppiter: *sub la libera cielo.*
99. Tempo es pekunio: *la tempo es tro valoroza por ke on disipez ol.*
100. Tempo remedias omno: *la tempo efacas omna dolori e malaji.*
101. Tenar la volfo ye l'oreli²¹: *apene dominacar l'ennemiko.*
102. Trusar la maniki: *prontigar su por tasko o laboro.*
103. Ucelo rara, ucelo kara: *vizitanto dezirata, qua tamen venas neofte.*
104. Un hirundo printempo ne facas: *la unesma manifesto di fenomeno ne signifikas ke la tota fenomeno quik aparos.*

²¹ Volfi ya havas kurt oreli!

105. Uni havas korni, altri havas dorni: *uni havas multo, kontre ke altri havas poko.*
106. Vanitato di vanitati, ed omno es vanitato²²: *omno esas iluziona e deceptiva.*
107. Venas veneno del kaudo²³: *ulo quo semblis nenociva portas tamen atako o danjero en la fino.*
108. Voco di klamanto en dezerto²⁴: *diskurso, parolo o verko quan nulu atencas.*
109. Ye hazardo dil menuo: *sen presavo pri la prizentota kozo.*
110. Yuro dil unesma nokto²⁵: *darfo uzar ulo kom unesma.*

²² Del Biblo (*Ecclesiastes*, 1:2). En la Vulgato: *vanitas vanitatum, et omnia est vanitas.*

²³ Aludo pri skorpiono.

²⁴ Del Biblo (*Ioannes*, 1:23). En la Vulgato: *vox clamantis in deserto.*

²⁵ Latine: *ius primæ noctis*. Aludo jokoza pri mezepokala kustumo, segun qua suzerenuli darfis juar la unesma sexuago kun jus spozigita virgino plebeya...